

կերի և նկարու , և ըստ այնմ արարեալ քրիստոնէից , աւարտեցին զգործն . ( 1720 ) : Ի ժամանակս նորոգութեան տաճարին Ս . Յարութեան եկեալ էին յերուսաղէմ յայլ և այլ կողմանց մշակք և արհեստաւորք սակս աշխատելոյ 'ի գործ շինութեան , որք մեծաւ մասամբ էին յազգէ Հայոց , եւ մինչ աշխատէին 'ի միջի մեծի գմբեթին , մի ոմն 'ի նոցանէ Տէվլէթ անուն անկաւ դահավէժ 'ի փայտակերտէ անտի և անմիջապէս աւանդեաց զհոգին : Իսկ թարգմանն Լատինաց Մանսուր ազգ արար դատաւորի քաղաքին . եւ զինի քննութեան հրամանաւ նորին բարձեալ թաղեցին :

Այն ինչ 'ի գլուխ ելեալ էր քննութիւն նորոգեալ տեղեաց , եհաս հրովարտակ առ դատաւորն Երուսաղէմի , զի Գրիգոր եւ Յովհաննէս Պատրիարքունք եւ բազմութիւն եկեղեցականացն Հայոց 'ի Կոստանդինուպօլիս , բողոք բարձեալ 'ի Դուռն ամբաստան լեալ էին զՊատրիարքէն Յունաց , զի 'ի նախընթաց ամին արգելեալ էր նա զՀայս մտանելոյ 'ի Գերեզմանն Քրիստոսի՝ յերեկոյի ճրագալուցի Զատիկին : Եւ 'ի հրովարտակին պատուիրէր Արքայ ստուգութեամբ քննել զխնդիրն 'ի դատարանի և ծանուցանել 'ի Դուռն :

Իսկ զթարգմանութիւն աղերսագրոյն զոր մատուցին Գրիգոր և Յովհաննէս՝ զետեղեմք աստանօր : յերուսաղէմ 'ի տաճարին Ս . Յարութեան , ուր է Գերեզմանն Քրիստոսի , 'ի ներքոյ փոքր գմբեթին , սովորութիւն էր 'ի սկզբանէ և այսր Հայոց և Յունաց 'ի միասին կատարել զհանգէս Լուսաւորութեան և Թափօրի : Զի յերեկոյին յայնմիկ այլազգի դռնապանք տաճարին , ըստ սովորութեան բանան զգուռն Գերեզմանին , Պատրիարքունք Յունաց և Հայոց և կամ Փոխանորդք նոցին 'ի միասին մտեալ 'ի ներքս լուցանէին զմոմս , և սպա հետեւակք երկուց ազգաց , 'ի նոցանէ , եւ չէր ինչ լեալ հակառակութիւն , եւ ոչ երբէք լուեալ էր՝ թէ Հայք զիմեալ են առ Պատրիարքն Յունաց , զի 'ի միասին մտեալ կատարէին զօրէնս , և այսմ գիտակ իսկ են բնակիչք Երուսաղէմի : Գանգի Յոյնք յառաջագոյն յարուցին վէճս վասն այսր խնդրոյ . պատճառելով թէ Հապէչք մի մոցեն յառաջ քան զմեզ , և 'ի դատաստանին